

ТОМ БОЛЬШЕВИК

(Молодой большевик)

ГАЗЕТА ВЫЛӨ
ГИЖШАН ЦЕНА
1 год ке 614 р. 40 к.
6 мес. ке 7 р. 20 к.
3 мес. ке 3 р. 60 к.
1 мес. ке 1 р. 20 к.
Номерлөн цена—8 к.
Редакциялн адрес:
г. Кудымкар, улица
Сев. коммунаров, 34,
этаж 3-ий, комн. №№ 61,
63 и 64. Телефон № 1—39.

ВЛКСМ Коми-Пермяцкёй окружкомлөн да Кудымкарскёй райкомлөн орган

ПРИЗЫВ КЕЖӨ ЛӨСЬӨТЧӨМ— КОМСОМОЛЬСКӨЙ ОРГАНИЗАЦИЯЭЗЛӨН БОЕВӨЙ ЗАДАЧА

Месяц мөд бөрті пондөтчас Красной Армия да Военно-Морской Флотё очередной призыв. Миян Коми-Пермяцкёй округись призывниккез, кызд и быдос странаись призывниккез, лөсьөтёны асьныс военной служба кежө, дорёны аслыныс большевистскёй характер, идейность, Ленинлөн—Сталинлөн партия делолө преданность, мужество, отвага, дисциплина, кёдна бура колёны Красной Армиялө да Военно-Морской Флотлө.

Красной Армия да Флотё настойчивой желаниён мунөм йлысь призывниккез гижёны заявленнёэз да гижөттэз окрвоенкоматө. Призывник-комсомолец Васькин Иван Григорьевич аслас заявленнёён гижө: «Ме желайта служитны Рабоче-Крестьянскёй Красной Армии да дорйыцы Советскёй Союзлесь границаэзсө, а сийөн кора примитны менө добровольной служба вылө». Призывник-комсомолец, детдомись воспитанник Петров В. И. гижө: «Заявляйта ассим ыджыт желаниё мунны служитны Красной Армия пыркежө, а этасянь кора примитны менө военной школа».

Призывниккез коласись уважыкыс бура ни вежөртисө, что ёныс кадө Красной Армия да Флотө колө мунны физическёя лөсьөтчөмөн, крепыт да калитчөм мускулэзён. Призывниккез-комсомолецез Отинов П. И. да Ярков С. Ф. асланыс морос вылын новйөтёны ни нель оборонной значокён. Комсомолец-призывник Кудымов А. В. имейтө кум оборонной значок. Этшөм отир честьён оправдайтасө Советскёй страналөн воинлесь званисө.

Призыв кежө лөсьөтчөмын округ пасьта колө керны эшө ыджыт

удж. Эта йлысь баитёны сэтшөм сведеннёэз: июнь 1 лун кежө призывниккез коласись только 12 процент имейтёны первой ступеня ГТО значоккез, ПВХО 1 ступеня значоккез—88,1 процент, ГСО 1 ступеня значоккез—86 процент. Эна цифраэз мыччалёны, мый эшө колө керны.

Комсомольскёй да физкультурной организацияэзлөн задача—кольчөм кадө быдос призывниккезсө готовитны 1 ступеня ГТО значикстэзён да 50 процентся не етшажык II ступеня ГТО значикстэзён. Колө, медбы быдос призывниккез сетисө нормаэз ПВХО да ГСО значоккез вылө. Этша сия, что призывниккез сетасө оборонной значоккез вылө нормаэз. Колө пыртны нью физкультура дышө подлинной любовь, желаниё пыр занимайтчыны сийөн. Физкультурной соревнованнёэзын, экекурсияэзын, өтик лунся туристскёй походдэзын призывниккез пантасьласө армейскёй оланись условияэзкөт, велаласө пуны сёян, пестыны би, ориентируйтчыны карта сьөрті, босьтасө ыджыт житейскёй опыт. А будущёй боецлө эта и колө.

Агитационно-массовой удж чүлөтөмөн колө отыны том отир коласын интерес миян страналөн военной история дышө, вкус военной книга дышө, героическёй примеррез вылын воспитывайтны нийс советскёй воинэзлөн боевой, наступательной духын. Том отир интересуйтчө военной делонись быд вопросён: сия бы төдө войскаэзлөн быд родлесь значеннё, ёныс кадө сө бойлесь особенностез, военной тактика. ВЛКСМ райкоммез да первичной комсомольскёй организацияэз обянась удовлетворитны энө требованнёэсө.

КОЛХОЗНИККЕЗ КЕРӨНЫ

Моймуса годө вөлі керөм магистраль Горький—Муром—Кулебаки кузьянас 230 километр. Таво керсё магистраль Горький—Арзамас—Кулебаки. Отлаын первйөкөт да сы дышө локтөм туйэскөт сия образуйтө 500 километр кузя кольцо.


Мөдөз авто-гужевый туй керөм бердө колхозниккез кутчысө эшө төвнас.

АВТО-ГУЖЕВӨЙ ТУЙЕЗ

Июнь 15-өт лунсянь пондөтчис трасса вылө колхозниккезлөн масовой петөм. Небыдса даннөйез сьөрті, петисө ни 40.000 морт гөгөр.

Строителлэсө культурной обслуживайтөм понда трасса вылө локтисө агитмашинаэз, кинопередвижкаэз, артистэзлөн бригадаэз, культуротниккез, медицинскёй да торговый работниккез. (ТАСС).

Советскёй Союзлөн городдэзөт



Тбилиси городын Сталин нима парк. Снимок вылын фуникулерлөн выльсьык станция.

СООБЩЕНИЕ НАРКОМФИНА СОЮЗА ССР

Подписка на Заем Третьей Пятилетки (выпуск четвертого года) на 16 июня 1941 года достигла 10 миллиардов 834 миллиона 229 тысяч рублей, т. е. превысила установленную сумму займа на 1 миллиард 334 миллиона 229 тысяч рублей. В связи с этим Наркомфин СССР на основании указания СНК СССР распорядился дальнейшую подписку на Заем Третьей Пятилетки (выпуск четвертого года) с 17 июня 1941 года прекратить повсеместно. (ТАСС).

Округын заем вылө гижшисө 4.389.000 руб вылө

Сберкассаэзён окружной управленнёлөн юөртөм сьөрті миян Коми-Пермяцкёй округись трудяшөйез Куимөт пятилеткалөн нельөт годся выпуска Государственной займа вылө гижшисө 4.389.000 руб вылө. моймуса год сьөрті уважык 879.000 руб вылө.

КРОССЫН УЧАСТ- ВУЙТИСӨ 1140 МОРТ

Округ пасьта медодза кык лунө профсоюзно-комсомольскёй кроссын участуйтисө 1140 морт. ны коласын 491 комсомолец. ГТО значок вылө нормаэз сетисө 887 морт, кёдна коласын комсомолецез 406 морт.

Юрлинскёй районись котөртан туй вылө петалисө комсомолецез да профсоюзэзлөн членнэз 145 морт, нормаэз сетисө 143 морт. Косинскёй районын 203 мортись нормаэз сетисө 140 морт.

Юсьвинскёй районын, кытөн кык лунөн кросс вылын участуйтисө дзик 51 морт, нормаэз сетисө 44 морт.



Марксизмлөн-ленинизмлөн Иркутскёй университетын занаятэз мунёны выхөднөй луннэзө. Снимок вылын: ВКП(б) история факультет кывиссез Р. Л. Свердлова, А. М. Чумаков, М. Г. Семенов да К. С. Лясота пукалөны лекция вылын.

Фото С. Малобичинийлаби.

ТАСС-лөн фотохроника.

ДИНАМОВЕЦЕЗЛӨН ПОБЕДА

Добровольной спортивной обществу «Динамо» профсоюзно-комсомольскёй кросс вылө петкөтлөс кык мужскёй да өтик женскёй командаэз.

Мужскёй командань 1000 метр кузя дистанцияын финиш вылө первйөн локтисө П. А. Копьшин. Сия этө дистанциясө котөртисө 3 м. 14 сек. коста. Копьшин бөрүн финиш вылө локтисө Никитин (3 м. 20 сек. коста). Отлаын том спортсменэзкөт кроссын участуйтисө «Динамолөн» активной член, 43 годся Николайчук. 1000 метресө Николайчук котөртисө 3 м. 42 сек. коста. Сьөбөрүн одзисьжык местаэз босьтисө Анпкин, Трошев, Лесников, Ярков.

Ныв-иннез коласись 500 метр кузя дистанцияын 1 м. 55 секундө котөртисө Мелюхина, сьөбөрүн финиш вылө локтисө Кривошекова.

Колө отметитны кроссын участ-

никкезлесь и серьёзной недостатоккез: ния өддөн етша тренируйтчисө, а этасянь, например, Власов да Рожкова дистанция вылесь петисө.

Кроссын участуйтөм бөрүн «Динамолөн» командаэз босьтисө сэтшөм местаэз: кросс вылө участниккезсө уважык петкөтөм сьөрті да буржык результат сьөрті 1 места босьтисө НКВД-лөн первичной комсомольскёй организация (секретарь өрт Ярков); 2 места—городскёй пожарной командалөн первичной комсомольскёй организация (секретарь Мальцев); 3 места—НКГБ-лөн комсомольскёй организация (секретарь өрт Лесников).

Бур сторонайн колө отметитны сийө, что городскёй пожарной командань ныв-иннез медактивной участуйтёны быд спортивно-массовой мероприятияэз чүлөтөмын.

Старцев.

Кудымкарын кросс мунө самотөкөн

Юксьө кросслөн участниккезыс. Но эта неловкёй положениель петкөтис спортивной обществу «Динамо», кёда вайөтис кум команда.

И сідз кросслөн первйөй лунө котөртан туй вылө Кудымкарын петалисө дзик 47 морт. Эта обяняйтчө только сийөн, что ВЛКСМ Кудымкарскёй райком да сылөн военно-физкультурной комиссия (председатель өрт Обирина) умөля лөсьөтчисө кроссыс кежө, лэзисө этө важнейшөй уджсө самотөк вылө, нельки график эз сувтөт. Ния ляддисө, что кросслөн первйөй лунө петасө не етшажык 400 мортся. Эд не секрет, что старт сетикө кроссын уна участниккез эзө төдө, кытэ мунө дистанцияыс.

3000 РУБ ПРЕМИЯЭЗ

Окружной дорожной отдел премируйтис районнаэзис туйкериссезсө-мастеррезсө Ф. А. Епишинсө (Юрла) 250 рубөн, М. В. Савельевсө (Белоево) 200 рубөн, Ф. В. Утевсө (Юсьва) 200 рубөн да буржык туйкериссезсө - колхозной бригадаэзсө да туйкерис-

ВЛКСМ Кудымкарскёй райком керис ыджыт ошибка, что кросс чүлөтөмсө лэзис самотөк вылө, эз сувтөт график, көр кытшөм организацияэз долженсө сетны нормаэз. Сия фактыс, что первйөж лунө эз петалө кросс вылө профсоюзной организацияэзлөн руководителлэз, баитө сы йлысь, что профсоюзной организацияэз кросс кежө немьда эз лөсьөтчө, и медбы не полүчитны конфуз, сийөн ния эз и мыччась сина одзын.

Кросс чүлөтан кад кольччис 11 лун. ВЛКСМ райкомлө да городис профсоюзной организацияэзлө колө эта коста керны ыджыт удж: отлаын сувтөтны график и оперативной руководитны кросснас.

С. М.

ОСТАНИ.

